

Ժողովուրդ

140
(2806)

7 հոկտեմբերի շաբաթ 2023
տպագրության ԺԲ տարի

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԻՆՉՈՒՒՄ ԱՐՑԱՆՑԻՆԵՐԻՆ ՏՈՒՆ ՉԵՆ ԳՆՈՒՄ. ԹՎԵՐ



Հունվարի 1-ից Արցախի Հանրապետությունն այլևս գոյություն չի ունենա, իսկ արցախցիները պաշտոնապես կդառնան ՀՀ քաղաքացիներ: Մինչ այս Արցախը պաշտոնապես լքել է 100 625 անձ, որոնցից 29 հազարը երեխաներ են:

Պետությունը որոշել է միանվագ 100 հազար դրամ հատկացնել արցախցիներին. այդ գումարների մի մասը երեկ փոխանցվել է 50 հազար արցախցու: Միանվագ 100 հազար դրամ արցախցիներից շատերը դժվարանում են ծախսել, քանի որ այդ գումարով ոչ կարող են տան վարձավճարը մարել, ոչ սնունդ գնել մինչև այն պահը, երբ կգտնեն աշխատատեղեր կայուն եկամուտ ունենալու համար:

Հայաստանի Հանրապետությունն այս 30 տարիների ընթացքում ամեն տարի, Արցախի կարիքների համար միլիոնավոր գումարներ է փոխանցել պետություն: Տարեվերջին քննարկվում էր գումարի չափը, տարեկազմի փոխանցվում էր Արցախ:

2023 թվականին նախատեսված էր Արցախին փոխանցել 144 մլրդ ՀՀ դրամ: Այս մասին ԱԺ-ում 2023 թ. պետական բյուջեի քննարկման ժամանակ հայտարարել էր էկոնոմիկայի նախկին նախարար Տիգրան Խաչատրյանը:

Եթե այս թվին՝ 144 մլրդ դրամին, գումարենք նաեւ Ճապոնիայի կողմից արցախահայերին տրամադրված 2 մլրդ դոլարը, որը համարժեք է 820 մլն դրամի, ավելացնենք ԱՄՆ-ի կողմից տրամադրված 11 մլն դոլարը, որը համարժեք է 4 մլրդ 716 մլն դրամի, նաեւ Եվրահանձնաժողովի կողմից փոխանցված 10.4 մլն եվրոյին համարժեք 4 մլրդ 506 մլն դրամը, Լատվիայի կողմից հատկացված 350 հազար եվրոյին համարժեք 151 մլն դրամը, Շվեյցարիայի կողմից տրամադրված 1.5 մլն ֆրանկին համարժեք 675 մլն դրամը, Կանադայի կողմից տրամադրված 2,5 մլն դոլարին համարժեք 1 մլրդ 25 մլն դրամը, կստացվի 155 մլրդ 893 մլն դրամ:

Հայաստանի ցանկացած մարզում նորմալ պայմաններով տուն կամ բնակարան գնելու համար միջինում անհրաժեշտ է 50 հազար դոլար:

Առանց Հայաստանի բյուջեի հավելյալ ծախսի, եթե ստացված գումարը բաժանեն 50 հազար դոլարի համարժեք դրամի, այսինքն՝ 20 մլն դրամի, կստացվի 7 հազար 794:

Այսինքն՝ արցախահայերի համար Հայաստան եկած գումարների եւ բյուջեի կանխատեսվող փոխանցումների արդյունքում Արցախից բռնի տեղահանված քաղաքացիների համար կարող ենք գնել 7794 հատ տուն կամ բնակարան:

Հայաստանը, ունենալով 11 մլրդ արտաքին պարտք, կարող է նույնիսկ հատկացում չանել արցախահայերին բնակարանով ապահովելու համար, քանի որ այդքան բնակարանը կբավականացնի 100 հազար արցախցիներին՝ ըստ ընտանիքների:

Եթե այս միլիոններից հետո յուրաքանչյուր արցախցի ընտանիք Հայաստանում չունենա սեփական տուն կամ բնակարան, կարող ենք ասել, որ իշխանությունները, «պոզով պոչով կորուսցի» ասելով, հենց իրենց էլ նկատի ունեն:

Արդարադատության փոխնախարար Լեւոն Բայանը պաշտոնի նշանակվել է 2022 թվականի դեկտեմբերի 30-ին: Բայանը հայտարարագրել է 4 անշարժ գույք համատեղ սեփականությանը՝ 1 ավտոտնակ, 1 բնակարան բազմաբնակարան շենքում, 1 հասարակական նշանակության շինություն Արաբկիր վարչական շրջանում, բաժնային սեփականությանը՝ անհատական բնակելի տուն Կենտրոն վարչական շրջանում: Կանխիկ դրամական միջոցները կազմել են 4 մլն 500 հազար դրամ, իսկ հաշվետու տարվա եկամուտները կազմել են 13 մլն 194 հազար դրամ, որից 11 մլն 87 հազար դրամը աշխատանքի վարձատրություն է Հարկադիր կատարումն ապահովող ծառայությունից, իսկ 2 մլն 106 հազար դրամը կենսաթոշակ է ՀՀ ԱՆ ՀՀ ԶԿԱԾ-ից: Ստացված վարկերի եւ փոխառությունների մայր գումարի մնացորդը հաշվետու տարվա դեկտեմբերի 31-ի դրությամբ կազմել է 30 մլն 305 հազար դրամ, որից 15 մլն 900 հազարը առաջին բնակարանի հիփոթեքն է, իսկ 14 մլն 174 հազար դրամը՝ երկրորդ բնակարանինը: Հիշեցնենք նաեւ, որ վերջերս՝ Ազգային ժողովի լիազուստ նիստի ընթացքում, Բայանը ներկայացրել է «Պետական պաշտոններ եւ պետական ծառայության պաշտոններ զբաղեցնող անձանց վարձատրության մասին» օրենքում լրացումներ կատարելու մասին» օրենքի նախագիծը, ըստ որի՝ դատավորների աշխատանքի վարձատրության համար 60 տոկոս հավելում կսահմանվի: Սա՝ այն դեպքում, երբ դատական համակարգում աշխատող Բայանի պես պաշտոնյաները նվազագույնը ունեն հիփոթեքով բնակարան: Ինչ միջոցներով է նա ձեռք բերել ունեցվածքը, թերեւս կարող ենք համապատասխան կառուցել:



«Ժողովուրդ» օրաթերթի տեղեկությունների համաձայն՝ ՀՀ ուժային կառույցներում այս օրերին ակտիվ քննարկվում են Ադրբեջանի կողմից Արցախի Հանրապետության ռազմաքաղաքական դեկլարացիայի դեմ իրականացվող գործողությունները: Տեղեկացված, որ ուժային կառույցների դեկլարացիայի կազմը ներքին խոսակցությունների ժամանակ ելել է այն եզրահանգման, որ որքան էլ ջանքեր, գործիքակազմ կիրառեն ու այս կամ այն միջազգային կառույցներ դիմեն, միեւնույնն է, Ադրբեջանի կողմից ձեռքբերված ու կալանավորված Արցախի երեք նախագահների՝ Բակո Սահակյանի, Արկադի Դուկասյանի, Արայիկ Հարությունյանի, Արցախի պետնախարար Ռուբեն Վարդանյանի, ՊԲ հրամանատարի նախկին տեղակալ Դավիթ Մանուկյանի, Արցախի արտաքին գործերի նախկին նախարար Դավիթ Բաբայանի վերադարձի հարցը քաղաքական է, ու միայն քաղաքական համապատասխան որոշումով կլինի նրանց վերադարձը Հայաստան: Դա, թերեւս, ուժայինների գործը չէ: Հիշեցնենք, որ սեպտեմբերի 27-ից սկսած՝ Ադրբեջանի դատախազը հետեւողական ջանքերով Արցախի Հանրապետության ռազմաքաղաքական դեկլարացիայի նկատմամբ մեղադրանքներ է առաջադրում, հետախուզում եւ կալանավորում: Քաղաքական բարձրագույն դեկլարացիայի միայն աչքի է ընկնում կյանքը վայելելու կարգերով: Նիկոլ Փաշինյանը դատեր հետ ընթրիքի է մասնակցում չպահանջելով մեր հայրենակից բոլոր գերիների վերադարձի հարցով քաղաքական ճնշումներ բանեցնել:



ԱԺ ԶԳ-ական պատգամավոր Վլադիմիր Վարդանյանի եւ «Հայաստան» խմբակցության պատգամավոր Միեր Սահակյանի միջեւ տեղի ունեցած միջադեպի գործով դատական նիստը վերջապես հոտեմբերի 3-ին կայացել է, սակայն գործով տուժող ՀՀ ԱԺ պետական-իրավական հարցերի մշտական հանձնաժողովի նախագահ Վլադիմիր Վարդանյանը դատարան չի գնացել, ու նիստը կայացել է առանց տուժողի: «Ժողովուրդ» օրաթերթը տեղեկացավ, որ դատական նիստը կողմերի համաձայնությամբ առանց տուժողի շարունակվել է, քանի որ ներկա է եղել նրա ներկայացուցիչը, սակայն այստեղ հարցը ՀՀ ԱԺ պետական-իրավական հարցերի մշտական հանձնաժողովի նախագահ Վլադիմիր Վարդանյանի վերաբերմունքն է դատական համակարգի նկատմամբ: Այսպես իրավաբան հանձնաժողովի նախագահն իր վերաբերմունքն արտահայտում է երրորդ իշխանության՝ իրավաբանության նկատմամբ: Դատական համակարգում դժգոհ են, թե իշխանական երեսփոխանը վեր է դատում իրեն եւ դատարան չի ներկայանում: Հիշեցնենք, որ «Ժողովուրդ» օրաթերթը գրել էր՝ այս գործով դատական նիստերը չեն կայանում, քանի որ պաշտպաններն առաջին նիստի օրը չեն ներկայացել դատարան՝ նշելով, որ աշխատանքային ծանրաբեռնվածություն ունեն: Արդյունքում Երեւան քաղաքի առաջին ատյանի ընդհանուր իրավասության քրեական դատարանի դատավոր Տիգրան Ռուկանյանը հերթական նիստն էր նշանակել հունիսի 26-ին, բայց էլի նիստը չէր կայացել: Նկատենք, որ չնայած դատապաշտպանները չեն ներկայանում, բայց մեղադրյալ պատգամավոր Միեր Սահակյանը բոլոր նշանակված նիստերին անձամբ ներկայացել էր դատարան: Հիշեցնենք, որ ս.թ. մարտի 31-ին Միեր Սահակյանը Պետաիրավական հարցերով մշտական հանձնաժողովի նիստում վիճաբանել էր Վլադիմիր Վարդանյանի հետ, երբ նա պարծեցել էր, թե՛ ունց ուզեմ, կխոսեմ, ապա բռնուցքով հարվածել էր ՔՊ պատգամավորի ձախ հոնքին:



ԶՐՈՒՅՑ

ՀՌՈՄԻ ՍՏԱՏՈՒՑԻ ՎԱՎԵՐԱՑՄԱՆ ՀԵՏԵՎԱՆՔՆԵՐԸ

Հայաստանի խորհրդարանը հոկտեմբերի 3-ին ընդունեց Հռոմի կանոնադրության վավերացման նախագիծը՝ Հռոմի ստատուսը:

Ընդգծենք, որ այն ընդունվել է միայն իշխող «Քաղաքացիական պայմանագիր» խմբակցության քվեարկության արդյունքում:

ԶՊ-ական պատգամավորները 60 կողմ ձայներով վավերացրին Հռոմի ստատուսը: Ընդդիմադիր «Հայաստան» եւ «Պատիվ ունեմ» ֆրակցիաները դեմ քվեարկեցին դրան՝ հայտարարելով, որ այն հակասահմանադրական է եւ նորանոր աղետներ է բերելու Հայաստանի համար, ընդդիմադիր պատգամավորներից մի քանիսն էլ չէին մասնակցել քվեարկությանը: Հիշեցնենք, որ ՌԴ նախագահ Վլադիմիր Պուտինի խոսնակ Դմիտրի Պեսկովն ասել էր, որ Հայաստանի կողմից Հռոմի ստատուսի վավերացումն իրենք կդիտարկեն որպես ծայրահեղ թշնամական վերաբերմունք:

«Ժողովուրդ» օրաթերթը Հռոմի ստատուսի հնարավոր հետեւանքների մասին գրուցել է քաղաքագետ Արա Պողոսյանի հետ:

-Պարոն Պողոսյան, Հռոմի ստատուսի վավերացումը քաղաքական ի՞նչ հետեւանքներ կարող է ունենալ Հայաստանի համար:

-Քաղաքական հետեւանքներ մենք, ըստ էության, արդեն տեսնում ենք: Նախ՝ Ռուսաստանում եւ փորձագիտական եւ քաղաքագիտական դաշտերում բավական ակտիվ եւ բուռն քննարկումներ, մեղադրանքներ կան Հայաստանի Հանրապետության ու հայաստանյան իշխանության նկատմամբ: Նաեւ քաղաքական գործիչներ են արդեն արտահայտվում այս թեմայով, որոնք հատկապես իշխող քաղաքական ուժի ներկայացուցիչներ են: Սա ենթադրում է, որ Հռոմի ստատուսի վավերացումը լուրջ խնդիրներ է առաջացնելու, բայց պետք է նկատի ունենալ, որ սա բուն պատճառը չէ: Սա հետեւանքն է նախկին հարաբերությունների որակի, զարգացման տեմպերի՝ ռեգրեսիվ իմաստով, եւ սա Ռուսաստանի Դաշնության կողմից պարզապես արձագանք է հանրապետության արտաքին քաղաքականու-



թյան շրջադարձային հարաբերությունների նկատմամբ:

Ըստ էության, ակնհայտ է, որ նաեւ Հայաստանի իշխանություններն են առաջարկել, որ Հռոմի ստատուսի մասով Ռուսաստանի Դաշնության հետ, եթե չեմ սխալվում, երկկողմ պայմանագիր կնքվի, որը ազդեցություն չի թողնի Ռուսաստանի Դաշնության, մասնավորապես՝ նախագահի այցելությունների վրա: Սակայն այստեղ կարեւոր կետերից է նաեւ այն, որ Հռոմի ստատուսի վավերացումը ընկալվում է որպես շրջադարձ

դեպի Արեւմուտք եւ ռուսական պայմանական օրբիտայից Հայաստանի դուրս գալու գործընթացի սկիզբ: Հետեւաբար Ռուսաստանի Դաշնության արձագանքն ու հետեւանքները, որոնք այս պահին որոշակի իմաստով կան, ապագայում կարող են խորանալ:

Հռոմի ստատուսն այն առիթն է, որը ռուսական կողմը կարող է օգտագործել իր խուսույթումը նշելով, որ հայկական կողմը ոչ բարեկամական դրեւորեց իրեն: **Զրուցեց ՕՖԵԼՅԱ ՀՈՎՀԱՆՆԻՍՅԱՆԸ**

ԳՈՐԾՈՒՂՈՒՄ ԱՆՀԱՅՑ ՕՐԱԿԱՐԳՈՎ

Հայաստանի խորհրդարանական պատվիրակությունը հոկտեմբերի 14-19 աշխատանքային այցով կգործուղվի Բեռլին:

«Ժողովուրդ» օրաթերթը տեղեկացավ, որ պատվիրակության կազմում լինելու են Հայաստան-Գերմանիա բարեկամական խմբի ղեկավար, Աժ պետական-իրավական հարցերի մշտական հանձնաժողովի նախագահ Վլադիմիր Վարդանյանը, «Քաղաքացիական պայմանագիր» խմբակցության ղեկավար Հայկ Կոնջոբյանը, Աժ պատգամավորներ Շիրակ Թորոսյանը, Լիլիթ Կիրակոսյանը, Հռիփսիմե Գրիգորյանը, Միքայել Թումանյանը:

Թե ԶՊ-ականներն ինչ օրակարգով են մեկնում Գերմանիա, ինչ հանդիպումներ են այնտեղ ունենալու, հայտնի չէ. Աժ համապատասխան որոշման մեջ այդ մասին ոչինչ կա:

Պատգամավորների գործուղման հետ կապված ծախսերը՝ ճանապարհածախսը (Վ. Վարդանյանի, Հ. Գրիգորյանի եւ Ժ. Հարությունյանի՝ Բեռլին-Երեւան), օրապահիկը (Վ. Վարդանյանի, Հ. Գրիգորյանի, Ժ. Հարությունյանի՝ հոկտեմբերի 15-19-ը), ինչպես նաեւ գիշերավարձը կկատարվեն պետբյուջեի հաշվին:

Ո՞Վ ՀԱՆՁՆԵՑ ԱՐՑԱԽԸ

Ռուսաստանի նախագահ Վլադիմիր Պուտինը համաձայն չէ այն պնդումներին, թե Հայաստանի վարչապետ Նիկոլ Փաշինյանին իշխանության է բերել ինչ-որ մեկը Ղարաբաղը հանձնելու նպատակով: «Վալդայ» ակումբի հանդիպման ժամանակ, պատասխանելով «RadioSputnik» կայքի գլխավոր խմբագիր Մարգարիտա Սիմոնյանի հարցին, ՌԴ նախագահը նշել է, որ Փաշինյանի՝ իշխանության գալը հայ ժողովրդի ընտրությունն է: Նա հիշեց, թե ինչպես էր Փաշինյանն իշխանության գալուց հետո Նույնիսկ սկզբնական շրջանում ասում, որ Ղարաբաղը Հայաստանի մաս է:

«Ես հիմա չեմ ասում՝ ճիշտ էին որոշումները, թե սխալ: Դա իմ տեղը չէ դատելու համար, բայց կարծում եմ, որ անարդար է ասել, որ նա միտումնավոր հանձնեց Ղարաբաղը», - հավելել է Պուտինը:

Վլադիմիր Պուտինը համեմատաբար ավելի մեղմ է արտահայտվել, քան ՌԴ ԱԳՆ պաշտոնական ներկայացուցիչ Մարիա Զախարովան: Պուտինը պնդել է, որ Հայաստանը երբեք չի ճանաչել Ղարաբաղը, իսկ նրա վարչապետ Նիկոլ Փաշինյանը Արեւմուտքի հետ բանակցություններում, այնուհետեւ՝ 2023 թվականի մայիսին Երեւանում կայացած մամուլի ասուլիսին, հայտարարել է, որ Ղարաբաղը Ադրբեյջանի տարածքի մաս է:

ՌԴ ԱԳՆ նախարար Սերգեյ Լավրովը Նույնպես իր ելույթներում պնդել է՝ այն որոշումը, որ Ղարաբաղը պետք է դառնա Ադրբեյջանի մաս, կայացվել է Նիկոլ Փաշինյանի մասնակցությամբ:

ՌԴ նախագահ Վլադիմիր Պուտինի կարծիքը չի համընկնում ո՞չ Սերգեյ Լավրովի, ո՞չ էլ Մարիա Զախարովայի կարծիքի հետ:

ԸՆՏՐՈՒԹՅՈՒՆՆԵՐ

ԶՊ-Ի ԿԱԶՄԸ՝ ԱՎԱԳԱՆԻՈՒՄ

ԿԸՀ-ն ամփոփել էր սեպտեմբերի 17-ին կայացած Երեւանի ավագանու ընտրությունների վերջնական արդյունքները:

Ըստ այդմ իշխող «Քաղաքացիական պայմանագիր» կուսակցությունը ստացել է 32.57 տոկոս քվե, այսինքն՝ ավագանիում կունենա 24 մանդատ:

Այսպիսով, Նորընտիր ավագանիում իշխող ուժը ներկայացված կլինի հետեւյալ կազմով. քաղաքապետի թեկնածուն Տիգրան Ավինյանն է, որը ընտրությունների արդյունքով այդպես էլ չընտրվեց: Նրան հաջորդում է Աի Նախկին նախարար Արմեն Փամբուխչյանը, որը ընտրությունների ժամանակ նաեւ ղեկավարում էր ԶՊ նախընտրական շտաբը:

Ավագանու անդամ Նուարդ Վարդանյանը ներկայացված կլինի նաեւ Նորընտիր ավագանիում. վերջինս ԶՊ խմբակցության պատգամավոր Ծովինար Վարդանյանի քույրն է:

Ավագանու կազմում կլինի Լեւոն Հովհաննիսյանը, որն այժմ քաղաքապետի ժամանակավոր պաշտոնակատարն է, նրան հաջորդում են փոխքաղաքապետ Սուրեն Գրիգորյանը եւ ավագանու «Իմ քայլը» խմբակցության ղեկավար Արմեն Գալջյանը:

Նորընտիր ավագանին խոստանում է նաեւ «մշակութային» լինել. ավագանու կազմում կլինեն երգիչ, կոմպոզիտոր Արթուր Իսախրյանը եւ դերասանուհի Տաթև Հովակիմյանը:

Աժ-ից ավագանի է գործուղվել նաեւ ԶՊ խմբակցության ղեկավար Հայկ Կոնջոբյանի օգնական Նատալյա Սինոբյանը, «Հակոբ Կոնջոբյան» կրթահամալիրի տնօրեն Ռուզաննա Երեմյանը եւ Անտառային կոմիտեի նախագահ Վլադիմիր Կիրակոսյանը:

«Իմ քայլը» խմբակցության անդամներ Մարատ Թոխյանը, Հայկ Միրզոյանը, Դիանա Զեբրոյանը, Էդուարդ Ավետիսյանը, Արման Հարությունյանը, Լեւոն

Զաքարյանը, Արման Բաբաջանյանը, Զարուհի Աղաջանյանը, Արման Հարությունյանը եւ Լուսինե Գեորգյանը կշարունակեն պահպանել ավագանու անդամի իրենց մանդատները. նրանք ներկայացված կլինեն նաեւ Նոր ավագանիում:

Նորընտիր ավագանիում մանդատ կունենա նաեւ Նարեկ Մանուկյանը, Արամ Ազատյանը, Երեւանի քաղաքապետարանի առողջապահության վարչության պետ Կամսար Բաբինյանը:

ԶՊ նախընտրական ցուցակում ընդգրկված 3 անդամներ՝ Մարգարիտ Խաչատրյանը, «Կատուններ» ավանգարդ-ջազ-ռոք խմբի հիմնադիր, երաժիշտ Վահագն Հայրապետյանը եւ Ռուզաննա Երամյանը, ինքնաբացարկի դիմում են ներկայացրել: Նրանց մանդատը կանցնի ցուցակի հաջորդ համարներին՝ Հակոբ Բալայանին, Արման Բարխուդարյանին եւ Կիմա Աբրահամյանին:

ՔՐԻՍՏԻՆԱ ՍՈՒՇԵՂՅԱՆ

ՓՈՓՈԽՈՒԹՅՈՒՆՆԵՐ

ԵՐԵՎԱՆԻ ԲԱՂԱՔԱՊԵՏԻ ՊԱՇՏՈՆԸ՝ ԿՈՎԱԽՆՁՈՐ

ՀԱՆԳԻՊՄԱՆ ԱՐԳՅՈՒՆՔՆԵՐ

Գրանադայում հոկտեմբերի 5-ին, հնգակողմ հանդիպման փոխարեն, կայացել է քառակողմ հանդիպում՝ Հայաստանի վարչապետ Նիկոլ Փաշինյանի, Ֆրանսիայի նախագահ Էմանուել Մակրոնի, Գերմանիայի կանցլեր Օլաֆ Շոլցի եւ Եվրոպական խորհրդի նախագահ Շառլ Միշելի մասնակցությամբ:

Հիշեցնենք նաեւ, որ նախօրէին Ալիւերը հրաժարվել էր հանդիպմանը ներկա գտնվելու այն չեղարկման պատճառով, որ Ֆրանսիայի նախագահի մասնակցությունը եւ Թուրքիայի նախագահի մասնակցության մերժումը:

Հանդիպման արդյունքում ընդունվել է հայտարարություն, որում, մասնավորապէս, Լեռնային Ղարաբաղում տեղի ունեցածը բնորոշվում է զանգվածային տեղահանություն: Եվրոպական խորհրդի նախագահը, Ֆրանսիայի նախագահը եւ Գերմանիայի կանցլերն ընդգծում են իրենց անսասան աջակցությունը Հայաստանի անկախությանը, ինքնիշխանությանը, տարածքային ամբողջականությանը եւ սահմանների անձեռնմխելիությանը եւ աջակցություն են հայտնում «ԵՄ-Հայաստան հարաբերությունների ամրապնդմանը՝ իր բոլոր չափումներով՝ հիմնված Հայաստանի Հանրապետության կարիքների վրա:

Ադրբեջանի նախագահի հատուկ ներկայացուցիչ Էլչին Ամիրբեկովը ֆրանսիական FranceInter ռադիոկայանին տված հարցազրույցում ասել է. «Ադրբեջանի վստահությունը Ֆրանսիայի նկատմամբ՝ որպէս նույնիսկ պոտենցիալ միջնորդ Հայաստանի հետ հարաբերությունների կարգավորման գործընթացում, այսօր գրոյական է»: Նա նաեւ ֆրանսիային համարել է անխոհեմ եւ նշել, որ ֆրանսիան տարածաշրջանը տանում է դեպի ռազմական առճակատման նոր վտանգավոր գիծ:

Գրանադայում տեղի ունեցած հանդիպումից հետո լուրեր տարածվեցին, որ Նիկոլ Փաշինյանը հանձնել է ադրբեջանական անկլավները, որի մեջ մտնում են Տավուշի մարզի մի քանի գյուղեր, Տիգրանաշենը, փոխարենը չի ստացել Արծվաշենը, համաձայնել է «Զանգեզուրի միջանցքի» հետ:

Վարչապետի աշխատակազմի ղեկավար Արայիկ Հարությունյանը ավելի ուշ հերքեց այս լուրերը՝ ասելով. «ՖԵՅԶԱԶԵՐԾՈՒՄ. Գրանադայում վարչապետը հանձնել է անկլավներն ու միջանցքը: Հայաստանը Գրանադայում ինչ ցանկացել է, ստացել է՝ հասնելով լուրջ հաղթանակի: Անկլավների թեմա չի քննարկվել, միջանցքի թեման փակ է: Չվախենաք»:

ԷՄՄԱ ՍԻՔԱՅԵԼՅԱՆ

Հոկտեմբերի 10-ին կայանալիք Երեւանի ավագանու նիստում ավագանու անդամները բաց քվեարկությամբ նոր քաղաքապետ կրճատեմ: Հոկտեմբերի 5-ին արտահերթ նիստով ավագանին մի քանի անգամ քվեարկեցին Երեւանի քաղաքապետի պաշտոնի ընթացակարգում:

Իսկ ի՞նչ են այս փոփոխությունները ենթադրում: Այսպիսով, հոկտեմբերի 10-ին սպասվող քաղաքապետի ընտրության ժամանակ յուրաքանչյուր քվեարկության վրա պետք է գրվի նաեւ ավագանու անդամի անունը: Քվեարկության արդյունքներից հետո արդեն քաղաքապետարանում կիրառարկվեն վերջնական արդյունքները, թե ավագանու որ անդամը որ թեկնածուի օգտին է քվեարկել: Թե սա ինչպէս է անդրադառնալու ընտրության վերջնարդյունքի վրա, դժվար է ասել, բայց այս փոփոխությունը հստակ ցույց է տալիս իշխանության անհանգստությունները եւ վախերը:

Թեեւ դեռ ավագանու ընտրությունների անցողիկ շեմը հաղթահարած ուժերն իրենց վերջնական որոշման մասին չեն հայտարարել, բայց, կարծես, ջրերն արդեն պարզվում են: Քաղաքական ուժերի հայտարարություններից պարզ է դառնում, որ հոկտեմբերի 10-ին սպասվող ավագանու նիստը, ամեն դեպքում, կկայանա, քանի որ, «Ժողովուրդ» օրաթերթի տեղեկություններով, իշխանությանը հաջողվել է «Հանրային ձայն» կուսակցության հետ համաձայնության գալ, ապահովել 1 ձայն, որպէսզի այդ օրը քվորում ապահովեն: Եթե նիստը կայանում է, եւ որպէս քաղաքապետ առաջադրվում է միայն 1 թեկնածու, այս դեպքում՝ Տիգրան Ավինյանը, ապա նրա՝ քաղաքապետ ընտրվելու համար բավարար կլինի ընդամենը 27 ձայն, իսկ «Քաղաքացիական պայմանագիր» եւ «Հանրապետություն» կուսակցությունները միասին ունեն 32 ձայն:

«Ժողովուրդ» օրաթերթի տեղեկություններով՝ «Քաղաքացիական պայմանագիր» եւ «Հանրապետություն» կուսակցությունների միջեւ առկա է ներքին համաձայնություն, որ Արամ Սարգսյանի թեկնածուները գան ու կողմ քվեարկեն Տիգրան Ավինյանի թեկնածությանը, դրա փոխարեն՝ «Հանրապետություն»

ՕՐՎԱ ԽՃԱՆԿԱՐ

ԱՅՑԵԼԵՑ ՎԱՐԳԱՆՅԱՆԻՆ

Ադրբեջանի օմբուդսմենն այցելել է Ռուբեն Վարդանյանին:

«Սպուտնիկ Ադրբեջանի» փոխանցմամբ՝ Վարդանյանը գոհունակություն է հայտնել պահման պայմաններից: Նա հայտնել է նաեւ, որ նախնական բուժակնում է անցել, առողջական խնդիրներ չունի:

Ռուբեն Վարդանյանը կկարողանա հեռախոսով շփվել ընտանիքի հետ: Նրան տրամադրվել է փաստաբան:

ՏԵՂԱՎՈՐՎԵԼ ԵՆ ԿՐԹԱՆԱՄԱԼԻԲՆԵՐՈՒՄ

«Կրթության որակի անկում չունենք: ԼՂ-ից բռնի տեղահանված երեխաների 38 տոկոսը՝ շուրջ 7904 երեխա, ընդգրկվել է տարբեր կրթական հաստատություններում», - ճեպագրույցի ժամանակ ասաց ՀՀ



կուսակցությանը կհատկացվի փոխքաղաքապետի պաշտոնը:

Այնուհայտ է, որ քվեարկության վրա ավագանու անդամների անուն գրելը իշխանության պահանջն է:

Այսպիսով նրանք, հավանաբար, մտադիր են վերահսկել առաջին հերթին իրենց թեկնածուների, ինչպէս նաեւ ավագանու մյուս անդամների քվեարկությունը, որպէսզի հանկարծ ներքին կարգով ձեռք բերված այս պայմանավորվածությունները չխախտվեն: Գաղտնիք չէ, որ իշխանականների ներսում էլ «զգվւտոց» է գնում, քանի որ Տիգրան Ավինյանի թեկնածությունը ոչ միանշանակ է ընդունվել անգամ ՔՊ-ում:

Այսինքն՝ իշխանությունները վտանգ են գգում ոչ միայն ընդդիմադիր շրջանակներից, այլ նաեւ հենց իրենց թիմակիցներից, ուստի որոշել են այնպէս անել, որ ավագանու անդամները քվեարկության վրա գրեն իրենց անունները, որպէսզի, եթե իրենց թեկնածուն չանցնի, ապա իմանան, թե ում հետ հաշիվներ պետք է պարզեն:

Հավելենք, որ քվեարկություն վերահսկելը ՔՊ-ում արդեն ավանդույթ է դարձել. խորհրդարանում էլ քվեարկություններից հետո ՔՊ-ականները նկարում են իրենց քվեարկությունները, որպէսզի ներկայացնեն ղեկավարությանը:

ՔՐԻՍՏԻՆԱ ՍՈՒՇԵՂՅԱՆ

վարչապետի մամուլի քարտուղար Նազելի Բաղդասարյանը:

Շատ մարզերի՝ բաշխվածությունն ունի հետևյալ պատկերը՝ Սյունիքում՝ 320, Վայոց ձորում՝ 152, Գեղարքունիքում՝ 367, Արարատում՝ 1221, Կոտայքում՝ 1348, Արագածոտնում՝ 371, Արմավիրում՝ 671, Լոռիում՝ 404, Շիրակում՝ 282, Տավուշում՝ 222, Երեւանում՝ 2543:

ՆԱԽԱՐԱՐԸ ԱԳՐԲԵՋԱՆՈՒՄ

Մեկնարկել է Իրանի ճանապարհների եւ քաղաքաշինության նախարար Մեհրդադ Բազայաշի այցն Ադրբեջան:

Ինչպէս հաղորդում են ադրբեջանական լրատվամիջոցները, իրանցի նախարարին Կովսականի (Ջանգիլանի) օդանավակայանում դիմավորել է Ադրբեջանի փոխվարչապետ Շահին Մուստաֆաեւը:

Մեհրդադ Բազայաշը ծանոթացել է Ջանգիլանի օդանավակայանում ստեղծված պայմաններին: Այցի շրջանակներում նախատեսվում է նաեւ այցելություն Ադ-

բանդայի մայրուղու վրա գտնվող կամուրջ:

Հանդիպման ընթացքում քննարկվել են նաեւ նոր ծրագրեր՝ կապված ճանապարհների կառուցման ընթացքի հետ:

ՀԱՅՏՆԻ Է ԼՍՈՒՄՆԵՐԻ ՕՐԸ

Հազարավոր ՄԱԿ-ի միջազգային դատարանը Լեռնային Ղարաբաղում ստեղծված իրավիճակի հարցով Ադրբեջանի դեմ ներկայացված հայցի վերաբերյալ լսումների օր է նշանակել հոկտեմբերի 12-ը:

Այս մասին ասվում է դատարանի հայտարարության մեջ:

«Միջազգային դատարանը՝ ՄԱԿ-ի գլխավոր դատական մարմինը, հիևզաբթի՝ 2023 թվականի հոկտեմբերի 12-ին, կանցկացնի «Ռասսայական խտրականության բոլոր ձեւերի վերացման միջազգային կոնվենցիայի» (Հայաստանը՝ ընդդէմ Ադրբեջանի) կիրառման գործով հանրային լսումներ», - ասված է հրապարակված հայտարարության մեջ:

ԶԱՐԱՇԱՐՈՒՄ

ՄԵԾ ԶԱՓԵՐԻ ԿԱՇԱՌՔ՝ ԵՊՂ-ՈՒՄ

Հայկ Սարգսյանը, 2000 թվականից զբաղեցնելով Երևանի դեպարտմենտի և կառավարման ֆակուլտետի դեկանի պաշտոնը, հանդիսանալով դեպարտմենտի կողմից ստեղծված հիմնադրամի անունից իրավունք, դասակարգություն և դասավանդություն առաջացնող գործառնություններ իրականացնող դասընթացի անդամ, նույն ֆակուլտետի Տնօրենության մեջ մաթեմատիկական մոդելավորման ամբիոնի ղեկավար, նույն հիմնով դասընթացի անդամ հանդիսացող Փազիկ Պետրոսի Տնօրենի հետ խմբի կազմում, իրենց ծառայողական լիազորություններով դասընթացի կազմում ազդեցությունն օգտագործելով, ֆակուլտետի չորրորդ կուրսի ուսանող Մերգեյ Մամվելի Քեյանի օգնությամբ ապրիլի 20-ին կատարել են մասնաշաղկապի ընդհանուր 480.000 ՀՀ դրամ կաշառք:



Հայկ Սարգսյանը, հանդիսանալով պաշտոնատար անձ, Երևանի պետական համալսարանի տնտեսագիտության և կառավարման ֆակուլտետի դեկանի տեղակալ, տնտեսագիտության և միջազգային տնտեսական հարաբերությունների ամբիոնի ղեկավար, պաշտոնատար անձ հանդիսացող Արմեն Ռովելի Ներսիսյանի հետ խմբի կազմում, իրենց ծառայողական լիազորությունները և դրանցով պայմանավորված ազդեցությունն օգտագործելով, ֆակուլտետի հինգերորդ կուրսի ուսանող Արփի Բյուզանդի Ծառուկյանի օգտին թողտվություն, հովանավորություն և ապօրինի գործողություն կատարելու համար Պետրոս Սայաթի Յովհաննիսյանից Հայկ Սարգսյանի՝ Երևանի քաղաքի Արմենյան 52 հասցեում գտնվող աշխատասենյակում 2023 թվականի փետրվարի 17-ին ստացել են 19.000 ՀՀ դրամ արժողությամբ «KREMLIN Award» տեսակի կոնյակի և խոշոր չափերով՝ 1.571.560 ՀՀ դրամի համարժեք 4000 ԱՄՆ դոլար կաշառք:

Ծառուկյանի կողմից ծննդաբերելու և, նորածնի խնամքով զբաղված լինելու հանգամանքով պայմանավորված, ուսումնական գործընթացի հետ կապված խնդիրներ ունենալու մասին, ստացած կաշառքի դիմաց, իր ծառայողական լիազորություններն օգտագործելով, վերջինիս օգտին թողտվություն, հովանավորություն և ապօրինի գործողություն կատարելու իրագործելու նպատակով հեռախոսազանգի միջոցով իր աշխատասենյակ է հրավիրել դեկանի տեղակալ Արմեն Ներսիսյանին և Տնտեսագիտության մեջ մաթեմատիկական մոդելավորման ամբիոնի լաբորանտ Մանե Ռուբենի Հայրապետյանին, ու նրան էս կաշառքի դիմաց օգնել են: Գործով նախաքննության ավարտ է հայտարարվել, և գործը դատարանում է:

ՔՍՄՍ ՄԱՆՈՒԿՅԱՆ

ՈՒՇԱԳՐԱԿ

ԳԱՆԱԿԱՐԱՐՈՒԹՅՈՒՆ՝ ԳՅՈՒՄՐԻՈՒՄ

«Ժողովուրդ» օրաթերթին հայտնի դարձավ, որ հոկտեմբերի 5-ին ուշագրավ դեպք է եղել Գյումրի քաղաքի Թումանյան հասցեում գտնվող ավտոկերպորտային կետում: 23-ամյա երիտասարդն ավտոկերպորտային կետում դանակահարել է 36-ամյա տղամարդուն, որին վերանորոգման կետի աշխատակիցները տեղափոխել են հիվանդանոց: Պարզվել է, որ դանակահարված տղամարդը ավտոփականագործ է, իսկ նրան դանակահարողը՝ մեքենա ներկող: Իսկ ինչն է եղել դանակահարության պատճառը:

«Ժողովուրդ» օրաթերթի տեղեկություններով պարզվել է, որ ավտոփականագործը կոնկրետ ժամկետ է տվել մեքենան վերանորոգելու համար, սակայն նշված ժամկետում մեքենան չի վերանորոգվել, ու սկսվել է վիճաբանություն, ինչից հետո դանակահարություն է տեղի ունեցել: Դանակահարողը դեպքից հետո դիմել է փախուստի: Նրան փնտրում են իրավապահները:

ԳԱԼԵՅԱՆԸ՝

ՀԻՎԱՆԳԱՆՈՑՈՒՄ

«Ժողովուրդ» օրաթերթին հայտնի դարձավ, որ 44-օրյա պատերազմի հերոս Մխիթար Գալեյանի հորը՝ Գարիկ Գալեյանին, «Վարդաշեն» քրեակատարողական հիմնարկից տեղափոխել են «Աստղիկ» բժշկական կենտրոն, որտեղ նրան հետազոտել են և ասել, որ կրկին հետազոտման անհրաժեշտություն է առկա:

Նշենք, որ սեպտեմբերի 9-ին դատարանը բավարարել էր Գարիկ Գալեյանին կալանավորելու միջնորդությունը:

Վերջինիս փաստաբան Վահան Յովհաննիսյանի պնդմամբ՝ կալանքն անթույլատրելի է, քանի որ Գալեյանն ունի պատժի և կալանքի կրմանը խոչընդոտող 3 հիվանդություն: Դատարանի որոշումը բողոքարկվել է ՀՀ վերաքննիչ դատարան: Քննչական կոմիտեն տեղեկացրել էր, որ Գալեյանի անձնական խուզարկությամբ վերջինիս մոտ հայտնաբերվել է վերցվել է պոլիէթիլենային տոպրակ, որի մեջ առկա է եղել 3 միանման պոլիէթիլենային փաթեթ՝ համապատասխանաբար 1.59 գրամ, 1.51 գրամ և 1.60 գրամ ընդհանուր քաշերով «Մարիխուանա» տեսակի թմրամիջոցի նմանվող յուրահատուկ հոտով դեղնականաչավուն գանգվածներով:

Ոստիկանության փորձագիտական կենտրոնից ստացված եզրակացության համաձայն՝ նրա մոտ հայտնաբերված նյութը հանդիսանում է «Մարիխուանա» տեսակի թմրամիջոց:

Ք. ՄԱՆՈՒԿՅԱՆ

ԿԱՐԵՎՈՐ

ԾԵԾԿՈՏՈՒՔ՝ ԸՆԵՆԳԱՎԻԹՈՒՄ

«Ժողովուրդ» օրաթերթին հայտնի դարձավ, որ երեկ երեկոյան՝ ժամը 22:00-ի սահմաններում, Շենգավիթ վարչական շրջանի Գարեգին Նժդեհի 9-րդ փողոցի շենքերից մեկում աղմուկ-աղաղակ ու լուրջ վիճաբանություն է եղել, որի ժամանակ 1985 թվականի ծնված տղամարդը դանակահարել է 40-ամյա մի տղամարդու, որը դանակի հարվածից ընկել է գետնին:

Ականատեսներն օգնություն են կանչել, շտապ գանգահարել շտապօգնություն և տղամարդուն տեղափոխել են հիվանդանոց: Դեպքի վայր շտապած իրավապահները պարզել են, որ վիճաբանած անձինք անծանոթներ են ու վիճել են «թարս նայելու» հարցի շուրջ:

Ք. ՄԱՆՈՒԿՅԱՆ

ԽՈՇՈՐ ԶԱՓԵՐԻ ՀԱՓՇՏԱԿՈՒՄ

«Ժողովուրդ» օրաթերթի տեղեկություններով՝ ՀՀ քննչական կոմիտեի ՀԿԳ քննության գլխավոր վարչության կիբեռ-հանցագործությունների և բարձր տեխնոլոգիաների ոլորտում կատարված հանցագործությունների քննության վարչությունում իրականացված հսկայածավալ քննությամբ փաստական տվյալներ են ձեռք բերվել այն մասին, որ հանցավոր կազմակերպության՝ Ռուսաստանի Դաշնության քաղաքացի հանդիսացող անդամները համակարգչային ներգործությամբ 2022թ. մայիսի 17-ից մինչև 2023թ. մարտի 29-ն ընկած ժամանակահատվածում list.am կայքում ապրանքի վաճառքի կամ ծառայության մատուցման հայտարարություն տված մոտ 7 տասն-

յակ քաղաքացուց հափշտակել են առանձնապես խոշոր չափերի՝ 19.038.349 ՀՀ դրամ գումար:

Այնուհետև, հանցավոր ճանապարհով ստացված ֆինանսական միջոցների հանցավոր ծագումը թաքցնելու կամ խեղաթյուրելու նպատակով հանցավոր կազմակերպության անդամները նշված գումարները փոխանցել են տարբեր էլեկտրոնային դրամապանակների և բանկային քարտերի, կրիպտոարժույթի փոխանակմամբ զբաղվող անձանց միջոցով գումարը փոխակերպել են կրիպտոարժույթի՝ փոխանցելով տարբեր էլեկտրոնային դրամապանակների, և տնօրինել:

Հանցավոր խմբի երեք անդամների նկատմամբ հարուցվել է հանրային քրեական հետապնդում, որպես խափանման միջոց նրանց նկատմամբ ընտրվել է կալանավորումը, և հայտարարվել է հետախուզում:

● Ըստ ոստիկանության տվյալների՝ հոկտեմբերի 5-ից 6-ը Հայաստանի Հանրապետությունում բացահայտվել է հանցագործության 61 դեպք, որոնցից 1-ը՝ նախկինում կատարած:

ՀԱՍԱՐԱԿՈՒԹՅՈՒՆ

ՄԱՐԶ

ՀԱՆՔԱՎԱՅՐ՝ ՎԱԶԱՇԵՆՈՒՄ

Իջեան համայնքի ղեկավար Արթուր Ճաղարյանին է դիմել «ԷՅԹԻ ԳՐՈՒՊ» ՍՊԸ-ն, որին է պատկանում Տավուշի մարզի Վազաշենի ոսկի-բազմամետաղային հանքերեակման տեղամասում երկրաբանահետախուզական աշխատանքների կատարման ընդերքօգտագործման իրավունքը: Գործող օրենսդրության համաձայն՝ Իջեան համայնքի Վազաշեն բնակավայրի վարչական սահմաններում ընդգրկված 11-059-0146-0001 ծածկագրով հողամասից 6,924հա մակերեսով տարածքը հատկացվել է ընկերությանը՝ կնքելով հողի սերվիտուտի պայմանագիր՝ մեկ տարի ժամկետով, հետագայում այն երկարաձգելու հնարավորությամբ, օգտակար հանածոների արդյունահանման նպատակով երկրաբանական ուսումնասիրություն կատարելու համար:

Հիմք ընդունելով վերոգրյալը եւ ղեկավարվելով ՀՀ «Տեղական ինքնակառավարման մասին» օրենքի 18-րդ հոդվածի թիվ 29 եւ թիվ 31 կետերի պահանջներով՝ 2023թ. սեպտեմբերի 22-ին Իջեան համայնքի ավագանին որոշել է հավանություն տալ Իջեան համայնքի Վազաշեն բնակավայրի վարչական սահմաններում ընդգրկված 11-059-0146-0001 ծածկագրով հողամասից օգտակար հանածոների արդյունահանման նպատակով երկրաբանական ուսումնասիրություն կատարելու համար 6,924հա մակերեսով տարածք «ԷՅԹԻ ԳՐՈՒՊ» ՍՊԸ-ին հատկացնելու համայնքի ղեկավարի առաջարկությանը՝ երկարաձգելով հողի սերվիտուտի պայմանագիրը մինչև 23.03.2024թ., հետագայում այն երկարաձգելու հնարավորությամբ: «Ելքի գրույ» ՍՊԸ-ն գրանցվել է 2019թ. նոյեմբերին: Հիմնադրել են Տավուշի մարզի Գետահովիտ համայնքում հաշվառված Արմեն Բորիսի Չապուխյանն ու Արաբկիր համայնքում գրանցված Տիգրան Արամի Ավետիսյանը: 2012-2017թթ.-ին Վազաշենի ոսկու հանքավայրի տարածքում երկրաբանական ուսումնասիրություններ կատարելու թույլտվություն ունեցել է «Պլինետ կորպորացիա» հայ-կանադական ՋՋ-ն:

ՔԱՆԴՎԱԾ, ՓՈՍԱՌԱՏ ՃԱՆԱՊԱՐ

Տեական ժամանակ է, ինչ Հայաստան-Կրասոտան միջպետական ավտոճանապարհի Դիլիջան համայնքի Թեղուտ գյուղի հարավային ծայրին գտնվող կամուրջը հիմնադրվում է, այդ պատճառով այն փակ է տրանսպորտային միջոցների երթևեկության համար: Միջպետական ավտոճանապարհի այդ հատվածը տրանսպորտային միջոցները հարկադրված են անցնել շրջանցիկ ավտոճանապարհով, որը ձգվում է Թեղուտ գյուղի միջով: Մի քանի կիլոմետր երկարությամբ գյուղամիջյան ճանապարհը շատ փոսառատ է, հանդիպակաց ավտոմեքենայի հայտնվելու դեպքում վարորդը ստիպված է մեքենան օգել խոր փոսերի մեջ: Թեղուտի ավտոմոբիլային կամուրջը հիմնականորդեցիկ առաջ հարկ էր Թեղուտ գյուղով ձգվող ճանապարհի մեծ փոսերը լցնել ասֆալտով: Կարծես քիչ է, որ գյուղամիջյան այդ ճանապարհը փոսառատ, կիսաքանդ է, գյուղացիները ճանապարհին 5 հատ արհեստական խոջուղոտ՝ «պառլած մեխից» են սարքել, ինչի հետեանքով ճանապարհով երթևեկը գրեթե անտանելի է: ՈՍԿԱՆ ՄԱՐԶԱՅԱՆ Տավուշ

ՏԵՂԵԿՈՒԹՅՈՒՆՆԵՐ

ԻՆՉ Է ԿԱՏԱՐՎԵԼ ՎԵՂԻՈՒՄ

«Ժողովուրդ» օրաթերթի Տեղեկություններով՝ Վեղիում լարված իրավիճակ է վիճաբանություններ են եղել: Վեղու համայնքապետարանի դիմաց երեկ մարդիկ էին հավաքված եւ բողոքում էին միմյանց վրա: «Ժողովուրդ» օրաթերթը կադ հասստեց Վեղիի համայնքապետի օգնական Պասվական Մարգարյանի հետ, որը մեզ հետ գրույցում ներկայացրեց մանրամասներ:

-Պարոն Մարգարյան, ի՞նչն է Վեղիում ստեղծված իրավիճակի պատճառը:

-«Արարատ ցեմենտ» գործարանի աշխատակիցներն են Վեղու համայնքապետարանի դիմաց հավաքված: Այսօր մեր մետ հանրային լուսմների օր էր: Վեղի համայնքի տարածքում ուզում են նորագույն տեխնոլոգիաներով, փակ ցիկլով նոր ցեմենտի գործարան ստեղծել: «Արարատ ցեմենտ» գործարանի աշխատակիցներն էլ մտավախություն ունեն, որ իրենց հաստիքները կկրճատվեն, գործարանը կսնանկանա: Եկել են, բողոքում են եւ համայնքին խնդրում են, որ համայնքապետարանը նախնական թույլտվություն չտա:

-Համայնքապետարանում ի՞նչ է քննարկվում, թույլտվություն տրվելու է, թե՞ ոչ:

-Ներկայացրինք, քննարկում եղավ, հարց ու պատասխան արեցինք, հանրային լուսմների առաջին փուլը կայացավ:

-Ի՞նչ որոշվեց:

-Առաջին լուսմը թույլտվություն տալու-չտալու վերաբերյալ չէր: Դեռես պետք է 2 լուսմ եւս անցկացնենք, եւ դրա արդյունքում կորոշվի թույլտվություն տալ կամ չտալ: Համայնքապետարանը գործարան կառուցել նախատեսող ընկերությանը ներկայացրել է՝ եթե ակնկալում են ստանալ թույլտվություն, պետք է համագործակցեն համայնքապետարանի հետ: Հաջորդիվ նրանք պետք է ներկայացնեն՝ ինչ պահանջներ ունեն, եւ մենք ինչ պահանջներ ունենք:

-Համայնքապետարանը նախնական ի՞նչ որոշում ունի:

-Համայնքապետարանն այս հարցում փոքր օղակ է, կոնկրետ թույլտվություն տվողը համայնքապետարանը չէ: Դեռես



շատ հարցեր կան, որոնք այս հարցի վերաբերյալ պիտի գտնեն իրենց պատասխանները:

-Գործարանի տնօրինության հետ խորհրդակցություն եղել է, վերջիվերջո, աղմուկը հենց իրենց պատճառով է բարձրացել:

-Չէ, ինչու՞ մենք պետք է խորհրդակցենք:

-Իրենք պիտի ձեզ հետ խորհրդակցեն: Մինչ մեզ Կառավարության, Էկոնոմիկայի, ՏԿԵ, Շրջակա միջավայրի նախարարությունների հետ:

-Համայնքապետարանը խոսել է նախարարությունների հետ որեւէ որոշման գալուց առաջ:

-Այն ընկերությունը, որը ուզում է հիմնի գործարան, ինքը պիտի դիմի նախարարություններին: Նրանցից ստանալով առաջարկներ եւ պահանջներ՝ ընկերությունը պետք է նրանց ներկայացուցի՝

րի եւ փորձագետների հետ քննարկում ունենա:

-Իսկ տեղալ էք, նման քննարկումներ եղել են:

-Եղած կլինեն:

-Համայնքապետարանը Կառավարությունից կամ նախարարություններից հրահանգ ստացել է այս հարցի վերաբերյալ:

-Իհարկե, մենք առաջնորդվում ենք պետական շահով: Մենք այստեղ աշխատում ենք՝ առաջնային համարելով պետական շահը, նոր մեր անձնական շահը: Պետական շահից ելնելով՝ ես ունեմ իմ անձնական կարծիքը, որ եթե պետք է տարածաշրջանում գործի փակ ցիկլով ցեմենտի արտադրությամբ գործարան, նախընտրելի է, որ գործի, քանի որ մեր պետությանն անհրաժեշտ են միլիոնավոր ներդրումներ եւ աշխատատեղեր: Ասեմ նաեւ, որ գործարանի տեղերին չեմ ճանաչում, որ չասեք՝ ճանաչում եմ, դրանից եմ կողմ:

Հրույցը ԷՄՍ ՄԻՔԱՅԵԼՅԱՆԸ

ՌԵԿՈՐԴԱՅԻՆ

ՀԱՅԱՐԱՏԻԿԱՅԻՆ ՊԱՇՏԱՐՆԵՐ

ՄԱԿ-ի դարեմի եւ գյուղատնտեսության կազմակերպությունը (ՄԱԿ ՊԳԿ) բարձրացրել է 2023 թվականին հացահատիկի համաեւարհային արտադրության իր կանխատեսումը՝ հասցնելով այդ թիվը մինչև 2,819 միլիարդ տոննայի, ինչը 0,9 %-ով բարձր է 2022 թվականի մակարդակից: «Ժողովուրդ» օրաթերթն այդ մասին Տեղեկանում է ՄԱԿ ՊԳԿ-ի տարածած հաղորդագրությունից:

Պատճառն այն է, որ Ռուսաստանի Դաշնությունում եւ Ուկրաինայում բերքատվության ավելի մեծ աճ է կանխատեսվում, քան նախկինում: Դա պայմանավորված է բարենպաստ եղանակային պայմանների պահպանմամբ: Դրան հակառակ՝ Կանադայում կանխատեսվում է ավելի վատ բերքատվություն, որը կապված է այդ երկրի հիմնական գյուղատնտեսական շրջաններում երկարատե երաշտի հետ:

Այս մասին հայտնել էր Bloomberg-ը՝ հղում անելով Եվրամիության աղբյուրներին:

Գործակալության տվյալներով՝ նման ցուցանիշներին վերադարձը հնարավոր է դարձել Ռուսաստանի Դաշնության նկատմամբ բարյացակամ վերաբերմունք ունեցող երկրներից վերաարտահանումների շնորհիվ, օրինակ՝ ԱՊՀ երկրներից ու Չինաստանից:

Ըստ Logistic OS վերլուծական հարթակի՝ Ռուսաստանը մեծացրել է ցորենի մատակարարումները: Դրանք գրեթե կրկնապատկվել են 2023 թվականի հունվարին եւ փետրվարին՝ նախորդ տարվա համեմատ:

Առաջիկներն էլ հաղթահարել են հակառուսական պատժամիջոցների հետեանքով առաջացած ֆինանսավորման եւ ապահովագրության որոշ խնդիրներ:

● Անցած 1 օրվա ընթացքում Հայաստանի Հանրապետությունում արձանագրվել է 25 ՃՏՊ. 1 մարդ զոհվել է, 29-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՓՈՓՈԽՈՒԹՅՈՒՆ

ՏԱՐԱԴՐԱՄԵ ՈՒ ԹԱՆԿԱՑՈՒՄՆԵՐԸ

Սկզբում սկսեք նրանից, որ դուք արդեն տարեկան մինչև սեպտեմբեր, կապված համաշխարհային շուկայի փոփոխությունների հետ, պարբերաբար ենթարկվել է փոփոխության:

Կապված նաև ռուս-ուկրաինական երկարատև պատերազմի հետևանքների հետ՝ դուք փոխարժեքը նվազել էր՝ հասնելով 350 դրամի: 2022 թվականի սեպտեմբերին, երբ Ադրբեյջանը կրկին ռազմական գործողություններ սկսեց Հայաստանի դեմ, շուկայում իրավիճակը կրկին նույնն էր:

Դուք փոխարժեքն այս անգամ բարձրանալով հասել էր 480 դրամի: Վերջին օրերին եւս դուք արժեւորվում է՝ այսօրվա վարկած անվտանգային եւ քաղաքական անորոշությամբ: Տնտեսագետները կարծում են, որ այս իրավիճակը բացասական հետևանքներ է ունենալու: Հոկտեմբերի 3-ին դուք 407 դրամից կտրուկ դարձավ 413 դրամ: Հայ ռուսական հարաբերությունների լարուկից հետո կտրուկ աճ նկատվեց նաև ռուբլու շրջանում:

Հոկտեմբերի 3-ին արձանագրվեց դուք ամենաբարձր շեմը՝ 435 դրամ: Հենց այդ օրը Ազգային ժողովը վավերացրեց ՀՀ-ի ստատուտը, որից առաջ Հայաստանի հասցեին Ռուսաստանի կողմից սպառնալիքներ էին հնչում զգուշանալու եւ անսպասելիին սպասելու վերաբերյալ:

Թանկացումներ սկսեցին եւ՝ սննդամթերքի շրջանում, եւ՝ վառելիքի: Երկու օր տեւած խառնաշփոթից եւ արտաքին ազդեցություններից հետո դուք սկսեց կայունանալ: Տնտեսագետ Սուրեն Պարսյանը «Ժողովուրդ» օրաթերթի հետ զրույցում նշեց, որ դուք կապված նման իրավիճակներ եւ եղել նաև 44-օրյա պատերազմից հետո, 2022 թվականի սպտեմբերի ռազմական գործողությունների ժամանակ եւ հիմա:

«Երբ Հայաստանի սահմանների անվտանգային խնդիրը լարվում է, մեզ մոտ դրամի կտրուկ արժեզրկում է գրանցվում: Սա արդեն օրինաչափություն է դարձել Հայաստանի պարագայում: Կենտրոնական բանկը մինչև հիմա փորձում էր չմիջամտել, սպասում էր մինչև 430 դրամի շեմը հասնել, եւ միջամտեց: ԿԲ-ն դուք մտցրեց տնտեսության մեջ՝ կայունացնելով դրամի արժեզրկումը»:

Այս իրավիճակի պատճառով շատերը կորցրեցին լուրջ գումարներ, իսկ դուք արդեն փոխարժեքով վարկ վճարողները կրկնակի տուժեցին:

ԼՄՍԱ ՄԻՔԱՅԵԼՅԱՆ

ԱՐՑԱԿԱՐԳՅՈՒԹՅՈՒՆ

ՔՆՆԱՐԿՎԵԼ ԵՆ ՀՈՒՄԱՆԻՏԱՐ ՀԱՐՑԵՐ

Հայաստանի փոխվարչապետ Տիգրան Խաչատրյանը եւ ԵՄ ճգնաժամային կառավարման հարցերով հանձնակարար Յանեզ Լեոնարչիչը բնակարանի եւ Արցախի բռնի տեղահանվածների հումանիտար հարցերը: «Ժողովուրդ» օրաթերթի հաղորդմամբ՝ Հումանիտար կենտրոնում տեղի ունեցած ասուլիսի ժամանակ այս մասին ասաց փոխվարչապետ Տիգրան Խաչատրյանը:

«Հանձնակատարի հետ խոսել ենք այն հիմնական խնդիրների շուրջ, որոնք առաջացել են Ադրբեյջանի կողմից շարունակական ուժի կիրառման եւ հայաստանյայց քաղաքականության իրազորման հետևանքով: Խոսել ենք տեղահանված եւ Հայաստանում ապաստան գտած ավելի 100 հազար մեր հայրենակիցների հրատապ կարիքների գնահատման, այդ թվում՝ առողջապահական, սոցիալական, հոգեբանական, ֆինանսական հարցերի մասին»,- նշեց Խաչատրյանը:

Փոխվարչապետի խոսքով՝ կառավարությունը բարձր է գնահատում այն արագ արձագանքը, որ ԵՄ-ն եւ նրա անդամ պետությունները շարունակում են ցուցաբերել ԼՂ-ից տեղահանված անձանց առաջնահերթ կարիքների հասցեագրման ուղղությամբ:

«Հանձնակատարի հետ կարեւորել ենք հումանիտար բնույթի լայնածավալ անելիքների վերաբերյալ Հայաստանի Հանրապետության կառավարության եւ Եվրոպական Միության կողմից գործադրվող ջանքերը համաձայնեցնելու, ստացվող հումանիտար աջակցությունը բռնի տեղահանվածների կարիքներին ուղղելու հարցում: Քննարկել ենք համագործակցության միասնական հարթակի ձեւավորման եւ այդ ձեւաչափով մեր գործողությունների արդյունավետությունը բարձրացնելու հարցերը:

Որպես առաջնային գերակայություն՝ առանձնացրել ենք մեր հայրենակիցների կարճաժամկետ, միջնաժամկետ եւ երկարաժամկետ կարիքների գնահատման



կարեւորությունը: Դա այն հիմքն է, որը պետք է հնարավոր դարձնի բռնի տեղահանվածների խնդիրների արդյունավետ լուծումը եւ հասանելի հումանիտար օգնությունը ճիշտ օգտագործելու եղանակով արագացնի մեր հայրենակիցների բնակարան կյանքին վերադարձնելու ընթացքը:

Քննարկման ընթացքում եկել ենք այն համաձայնության, որ Եվրոպական միությունը կշարունակի ավելացված աջակցություն ցուցաբերել բոլոր անհրաժեշտ ուղղություններով՝ հաշվի առնելով այն մեծ փորձառությունը, որն ունի ճգնաժամային կառավարման հարցերում: Համոզվածություն ենք հայտնում, որ ԵՄ-ի կողմից ցուցաբերվող աջակցությունն էապես կկապաստի նրան, որ Հայաստանի Հանրապետության կառավարության կողմից իրականացվող ծրագրերը առավելագույն արդյունավետությամբ լուծեն բռնի տեղահանված մեր հայրենակիցների առաջնահերթ կարիքները»,- եզրափակեց Խաչատրյանը:

Հիշեցնենք, որ վերջին 1 օրվա ընթացքում ԼՂ-ից նոր ժամանածներ չկան, բռնի տեղահանվածների թիվը փոփոխության չի ենթարկվել: Վերջին տվյալների համաձայն՝ Հակարիի կամուրջը հատել է 100 632 անձ: Հաշվառվածների թիվը 99 տոկոս է: Այդ մասին ճշգրտագույն ժամանակ ասաց ՀՀ վարչապետի մամուլի քարտուղար Նազելի Բաղդասարյանը՝ տեղեկացնելով, որ ժամանածների շուրջ 75 տոկոսը մարզերում է:

Ըստ այդմ՝ Սյունիքում տեղակայվել է ԼՂ-ից բռնի տեղահանված 5444 անձ, Վայոց ձորում՝ 2134, Գեղարքունիքում՝ 5125, Արարատում՝ 18212, Կոտայքում՝ 21593, Արագածոտնում՝ 3967, Արմավիրում՝ 8044, Լոռիում՝ 4107, Շիրակում՝ 3707, Տավուշում՝ 3139, ընդհանուր առմամբ՝ 75472 անձ:

Նշված թվից գերակշիռ մասին՝ 51-52 տոկոսին, պետությունն ապահովել է ժամանակավոր կեցության վայրով, մնացածին տրամադրվել են մոտոլ, հագուստ, հիգիենայի պարագաներ, դեղորայք:

ՊԱՐԶԱԲԱՆՈՒՄՆԵՐ

ԽԱՔԵՈՒԹՅՈՒՆ՝ «ՎԱՅԼԳԻՔԵՐԻԶ»-ԻՑ

«Ժողովուրդ» օրաթերթը տեսական ժամանակ է՝ բնակիչներից բողոքներ է ստանում, որ «Վայլքերիզ» օնլայն գնումների կայքին կցված իրենց անձնական քարտերից անհասկանալի պատճառներով գումար է գանձվում:

Դիմելով քարտերը սպասարկող բանկեր՝ բաժանորդները փորձել են հասկանալ, թե ինչու են անհասկանալի պատճառներով գումարներ գանձվում, եթե որեւէ պատվեր չեն կատարել: Բողոքների մեծ ալիք կար՝ հատկապես «Ինեկոբանկ» ՓԲԸ-ի հետ կապված:

«Ժողովուրդ» օրաթերթը փորձեց կապ հաստատել «Ինեկոբանկ» ՓԲԸ-ի աշխատակիցների հետ՝ հասկանալու համար, թե ինչ հիմունքներով են գումարներ գանձվում բաժանորդներից: Աշխատակիցը պարզաբանեց. ««Վայլքերիզ» օնլայն գնումների կայքը պարբերաբար թարմացումներ է տալիս, մենք միշտ հորդորում ենք մեր բաժանորդներին անձնական տվյալների տրամադրման հարցում շատ զգույշ լինել, քանի որ մի շարք պատր»

վակներով կարող են կապ հաստատել՝ նպատակ ունենալով կորզել բանկային քարտի PIN եւ CVV կոդերը»:

ԶԳՈՒՇԱՅՈՒՆ
Հորդորում ենք լինել զգույս եւ անձնական տվյալներ չտրամադրել երրորդ անձանց, ոչ մի պարագայում անհայտ ծագում ունեցող համակարգերում կամ կայքերում չլուրջ մուտքանուն եւ գաղտնաբառ: Զեղծարարները WhatsApp, Telegram եւ այլ հարթակներով գնումներ կամ վճարումներ կատարելու, Հայփոստում առաքանի ունենալու եւ մի շարք այլ պատրվակներով կապ են հաստատում կամ կեղծ հաղորդագրությունների միջոցով փորձում են կորզել Ձեր քարտի PIN եւ CVV կոդերը: Նշված տվյալները պետք է փոխանցել նույնիսկ բանկի աշխատակիցներ կայացած անձանց:

ՕՖԵԼՅԱ ՀՈՎՀՆՆՆԻՍՅԱՆ

ԱՐԱՋԱՆԳ՝ ՎԱՐԳԵՆԻՍՄԻՑ

Վարդենիս համայնքի Բանավան թաղամասի 7-րդ շենքից «Ժողովուրդ» օրաթերթին հայտնում են, որ ամիսներ առաջ

իրենց շենքի տենիքը քանդել են՝ խոստումով, որ հին «Չիֆերները» կփոխարինվեն երկաթյա թիթեղներով, սակայն որտե՛ս արձագանք չկա, ոչ մեկ ծայն չի հանում, իսկ վերջին հարկում ապրողների բնակարանները «ջրհեղեղի մեջ են»:

«Ժողովուրդ» օրաթերթը կապ հաստատեց Վարդենիս համայնքի ղեկավարի տեղակալ Կարեն Մկրտչյանի հետ՝ հասկանալու խնդիր էությունը: «Տեղեկությունը բացարձակապես չի համապատասխանում իրականությանը: Շենքի կառուցումն ամբողջովին կառուցապատողի պատասխանատվության տակ է: Նա ունի հստակ ժամկետներ, որոնք չի անցել: Երեկ էլ ինձ գանգել են, ես զրուցել եմ իրենց հետ:

Ինչ վերաբերում է բնակչին, ապա այս պարագայում ինչ վնաս կրում է բնակիչը, դրա ուղիղ պատասխանատուն հենց կառուցապատողն է, բայց մենք բոլոր բնակիչների հետ պայմանավորվել ենք համաձայնություն տալու շուրջ, որովհետեւ հնարավոր են տեղումներ այս սեզոնին, որոնք իրենց հետևանքներն են ունենալու»:

ՄԱՐԿՍ ՂԱԶԱՐՅԱՆ

«Ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:



Էջը՝ ՄԱՐԻԱՍ ՂԱԶԱՐՅԱՆԻ

ՇԻՆՈՒԹՅՈՒՆ

ՀԱՐՑ. Ո՞ր օբյեկտներ ենթակա չեն լիցենզավորման:
Պետրոս Կարապետյան (43 տարեկան)



ՊԱՏԱՍԽԱՆ. «Լիցենզավորման մասին» ՀՀ օրենքով սահմանվել է լիցենզավորման ենթակա տեսակների ցանկից հանվել են մի շարք օբյեկտների նկատմամբ լիցենզավորված կազմակերպությունների կողմից շինարարությունն իրականացնելու պահանջը, որոնց նկատմամբ կիրառվում է հսկողություն՝ համարելով դրանք չլիցենզավորված գործունեություն:

Այդ օբյեկտներն են բնակավայրերում կառուցվող 300 քմ ընդհանուր մակերեսը չզերազանցող, մինչև երկու վերգետնյա ու մեկ ստորգետնյա հարկ ունեցող անհատական բնակելի տները, հաստատված բազմակի օգտագործման օբիեկտների նախագծերով կառուցվող օբյեկտները, 150 քմ ընդհանուր մակերեսը չզերազանցող օժանդակ շինությունները եւ 50 քմ ընդհանուր մակերեսը չզերազանցող ավտոտակները, 1000 քմ ընդհանուր մակերեսը չզերազանցող ջերմոցները, 500 քմ ընդհանուր մակերեսը չզերազանցող գյուղատնտեսական արտադրական նշանակության ոչ հիմնական շինությունները եւ 100 քմ ընդհանուր մակերեսը չզերազանցող հասարակական նշանակության ոչ հիմնական շինությունները:

Քաղաքաշինության կոմիտե

«ԺՈՂՎՈՒՐԳ». Վերոնշյալ օբյեկտների շինարարական աշխատանքները պետք է կատարվեն տնտեսական եղանակով՝ առանց լիցենզավորված կապալառուի եւ շինարարության որակի տեխնիկական հսկիչի ներգրավման:

ԿՐԹՈՒԹՅՈՒՆ

ՀԱՐՑ. ԵՊՀ-ում ե՞րբ է կազմակերպվում առկա ուսուցմամբ ասպիրանտուրայի ընդունությունը:
Աիդա Մարդյան (26 տարեկան)



ՊԱՏԱՍԽԱՆ. Առկա ուսուցմամբ (անվճար եւ վճարովի հիմունքներով) ասպիրանտուրայի ընդունությունը սովորաբար կազմակերպվում է ընթացիկ տարվա մայիս-հունիս ամիսներին:

Երեւանի պետական համալսարան

«ԺՈՂՎՈՒՐԳ». Ասպիրանտուրա ընդունվելու համար անհրաժեշտ փաստաթղթերի ընդունման եւ մասնագիտական քննության անցկացման հստակ ժամկետները ԵՊՀ-ն դիմորդներին ներկայացնում է ՀՀ ԿԳՄՍՆ սահմանած ժամանակացույցը ստանալուց հետո՝ տարածելով համապատասխան հայտարարություն(ներ):

ԼՈՒՐ ԿԱԴՐ

Լուսանկարը՝ համացանցից



Վարչապետ Նիկոլ Փաշինյանը դասեր՝ Մարիամ Փաշինյանի հետ Գրանադայում՝ Կառլոս 5-րդի պալատում, մասնակցել է պաշտոնական ընթրիքի:

Եվրոպական քաղաքական համայնքի երրորդ զագաթնաժողովի բարձրաստիճան հյուրերին դիմավորել են Իսպանիայի թագավոր Ֆիլիպ 6-րդը եւ Լեոնորա թագուհին: Հյուրերին ողջունել է Իսպանիայի վարչապետ Պեդրո Սանչեսը:

Վարչապետ Փաշինյանի աշխատանքային այցն Իսպանիա ավարտվել է:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
 Բաժանորդագրվելու
 համար կարող եք դիմել

«Հայմամուլ» ՓԲԸ
 հեռ. 45-82-00, 45-19-11

«Հայփոստ» ՊՓԲԸ
 հեռ. 51-45-46, 51-45-47

«Բլից-Մեդիա» ՍՊԸ
 հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Շողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից


«Շողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
 Ազգանուն՝ _____
 Առաքման հասցե՝ _____
 Բջջային եւ/կամ քաղաքային հեռախոս՝ _____

Հեռ.՝ (060) 490049
 0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	+1 + 3 +12 + 16
☀	Կոտայքի լեռներ	+1 + 3 +10 + 14
☀	Կոտայքի նախալեռներ	+4 + 6 +16 + 18
☀	Գեղարքունիք	+1 + 3 +10 + 14
☀	Լոռի	+4 + 6 +14 + 17
☀	Տավուշ	+7 + 11 +16 + 19
☀	Արագածոտնի լեռներ	+1 + 4 +7 + 11
☀	Արագածոտնի նախալեռներ	+4 + 7 +15 + 19

☀	Արարատ	+7 + 10 +20 + 22
☀	Արմավիր	+7 + 10 +20 + 22
☀	Վայոց ձորի լեռներ	+1 + 3 +7 + 10
☀	Վայոց ձորի նախալեռներ	+6 + 10 +15 + 18
☀	Սյունիքի հովիտներ	+10 + 12 +16 + 19
☀	Սյունիքի նախալեռներ	+10 + 12 +15 + 19
☀	ԼՂՀ	+7 + 10 +17 + 20
☀	Երեւան	+10 + 12 +17 + 19

Լրատվական գործունեություն իրականացնող՝ «Շողովուրդ թերթի խմբագրություն» ՍՊԸ
 Հասցեն՝ ք. Երեւան, Աբովյան 22՝/3, հեռ՝ 010 54-64-23
 Պետական գրանցման վկայականի համարը՝ 03Ա089086
 տրված է 24.11.2010
 Ստորագրված է տպագրության 6.10.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
 խմբագրություն հանձնված նյութերը չեն գրայնաչափվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Շողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Շողովուրդ» օրաթերթի այսօրվա համարում»: